

四分僧戒本



新删定僧戒本序

唐终南山沙门释道宣序

余以贞观二十有一年仲冬，於终南山丰德寺删定戒本。故其序曰。自戒本之行东夏也。曹魏中世，法护创传，羯磨乃明，戒本盖阙。姚秦关辅方译广文。觉明法师首开律部，因出戒本，附译传写。高齐御历，盛昌佛日，三方释侣二百余万，法上大统总而维之。沙门慧光，当时僧望，联班上统，摄御是图。以夫振纽提纲，修整烦惑，非戒不立，非戒不弘。更以义求，纂缉遗逸，重出一本，广流于世，则其本首题归敬者是也。隋运并部沙门法愿，鄯光所出宗理爽文，后学凭附卒难通允。乃准的律部，连写戒心，通被汾晋，最所倾重，则其本首题戒德者是也。参互三本，讎校同异。通会皆附正经，摘理义无不可。是以先达晚秀奉而莫遗，意在忘筌，岂唯文绮。世有惰学浮侈之徒，博

二
观未周，随言计执。同我则审难为易，异听则达是言非。比周成俗，卒未惩晓。尝以余景，试为通之。如光所詮，我今说戒。愿之所出，云说木叉。及披律解，木叉戒也。愿出初戒，则云不还。光所传辞，便言不舍。检律诚释，违愿附光。取意统文，莫非还净。如斯举例，其相可知。若夫戒德戒宗，诚明定慧，销烦静务，超世超生。初涉问津，会归舟济。非文不启，非义不通。妙识两缘，双祛二执，荡焉无累，纷净何从。今余所述，还宗旧辙，芟略繁芜，修补乖竞。辞理无昧，役说有踪。庶几言行并传，愚智通解。悠悠来裔，未达斯归。略为题引，序之云尔。
四分僧戒本

出县无德辞

南終南山沙门道宣制定

稽首礼诸佛

及法比丘僧。

今演毗尼法，

令正法久住。

戒如海无涯，

如宝求无厌。

欲护圣法财，众集听我说。
及灭僧残法，障三十舍堕，
毗婆尸式弃，毗舍拘留孙，
迦叶释迦文，诸世尊大德，
我今欲善说，诸贤咸共听。
不堪有所涉，毁戒亦如是，
欲得生天上，若生人中者，
勿令有毁损，如御入险道，
毁戒亦如是，死时怀恐惧，
好丑生欣戚，说戒亦如是，
如两阵共战，勇怯有进退，
净秽生安畏，世间王为最，
众星月为最，众圣佛为最，
一切众律中，

欲除四弃法

众集听我说。

拘那含牟尼

为我说是事。

譬如人毁足

不得生天人。

常当护戒足

失辘折轴忧，

如人自照镜

全毁生忧喜。

说戒亦如是

众流海为最

一切众律中

戒经为上最。如来立禁戒。半月半月说。

僧集不。

答云僧已集。

和合不。

答云未受具戒者已出。若无，即云此众未受具戒者。

来诸比丘说欲及清淨。

若有人说欲，即云说欲及清淨已。若无人说欲，即云此众无说欲及清淨者。

谁遣比丘尼来请教

诫。

答云此众无尼来请教。

僧今和合，何所作为。

答云说戒。

大德僧听。今白月十五日，

或黑月十五日或十四日不定。

众僧说戒。

若僧时到，僧忍听。和合说戒。白如是。

诸大德。我今欲说波罗提木叉。诸比丘共集在一处。当应谛听，

善思念之。若有犯者应忏悔。无犯者默然。默然故，知诸大德

清淨。若有他问者，即应如实答。如是诸比丘在於众中，乃至

三问，忆念有罪不发露者，得故妄语罪。佛说故妄语是障道

法。彼比丘自忆知有罪，欲求清淨者，当忏悔。忏悔则安乐。

诸大德。我已说戒经序。今问诸大德，是中清淨不。

三

诸大德。

是中清淨，默然故。是事如是持。

诸大德。是四波罗夷法。半月半月说。戒经中来。

淫戒第一

若比丘，共戒，同戒，不舍戒，戒羸不自悔。犯不净行。乃至共畜生。是比丘波罗夷。不共住。

盜戒第二

若比丘。在村落中，若闲静处。不与物，盗心取，随不与取法。若为王及大臣所捉，若缚，若驱出国，若杀。汝是贼，汝痴，汝无所知。是比丘波罗夷。不共住。

杀人戒第三

若比丘。故断人命。持刀与人。叹誉死，快劝死。咄，男子，用此恶活为，宁死不生。作如是思惟，种种方便，叹誉死，快劝死。是比丘波罗夷。不共住。

大妄语戒第四

若比丘。实无所知。自称言。我得上人法。我已入圣智胜法，我

知是，我见是。彼於异时，若问若不问，欲自清淨故作是说。我实不知不见，言知言见。虚诞妄语。除增上慢。是比丘波罗夷。不共住。

诸大德。我已说四波罗夷法。若比丘犯一一法，不得与诸比丘共住如前。后犯亦尔。是比丘得波罗夷罪，不应共住。今问诸大德，是中清淨不。说三诸大德。是中清淨，默然故。是事如是持。诸大德。是十三僧伽婆尸沙法。半月半月说。戒经中来。

故失精戒第一

若比丘。故弄阴失精。除梦中。僧伽婆尸沙。

摩触女人戒第二

若比丘。淫欲意。与女人，身相触。若触一身分者。僧伽婆尸沙。

与女人粗语戒第三

若比丘。淫欲意。与女人，粗恶淫欲语者。僧伽婆尸沙。

向女叹身索供戒第四

若比丘。淫欲意。於女人前，自叹身言。大妹。我修梵行，持戒精进，修善法。可持是淫欲法供养我，如是供养第一最。僧伽婆尸沙。

媒人戒第五

若比丘。往来彼此媒嫁。持男意语女，持女意语男。若为成妇事，及为私通事，乃至须臾顷。僧伽婆尸沙。

无主僧不处分过量房戒第六

若比丘。自求作屋。无主，自为已。当应量作。是中量者，长佛十二磔手，内广七磔手。当将诸比丘指授处所。彼应指授处所。无难处，无妨处。若比丘。有难处，妨处。自求作屋。无主，自为已。不将诸比丘指授处所。若过量作者。僧伽婆尸沙。

有主僧不处分房戒第七

若比丘。欲作大房。有主，为已作。当将余比丘指授处所。彼应指授处所。无难处，无妨处。若比丘。难处，妨处。作大房。有主，为已作。不将余比丘指授处所者。僧伽婆尸沙。

无根谤他重罪戒第八

若比丘。瞋恚所覆故。非波罗夷比丘。以无根波罗夷法谤，欲坏彼清淨行。彼於异时，若问若不问，知此事无根说，我瞋恚故作是语者。僧伽婆尸沙。

假根谤戒第九

若比丘。以瞋恚故。於异分事中取片。非波罗夷比丘。以无根，波罗夷法谤，欲坏彼清淨行。彼於异时，若问若不问，知是异分事中取片，便言我瞋恚故作是语者。僧伽婆尸沙。

破僧违谏戒第十

若比丘。欲坏和合僧，方便受坏和合僧法，坚持不舍。彼比丘应谏是比丘言。大德莫坏和合僧，莫方便坏和合僧，莫受坏僧法坚持不舍。大德应与僧和合，欢喜不诤，同一师学，如水乳合。於佛法中有增益安乐住。是比丘，如是谏时，坚持不舍。彼比丘应三谏，舍此事故。乃至三谏，舍者善。不舍者。僧伽婆尸沙。

助破僧违谏戒第十一

若比丘有余伴党，若一二三乃至无数。是比丘语彼比丘言。大德莫谏此比丘。此比丘是法语律语比丘，此比丘所说我等喜乐我等忍可。彼比丘应谏是比丘言。大德莫作是说，言此比丘是法语律语比丘，此比丘所说我等喜乐我等忍可。然此比丘非法语律语比丘。大德莫欲坏和合僧，汝等当乐欲和合僧。大德与僧和合，欢喜不诤，同一师学，如水乳合。於佛法中有增益安

乐住。是比丘，如是谏时，坚持不舍。彼比丘应三谏，舍此事故。乃至三谏，舍者善。不舍者。僧伽婆尸沙。

污家宾谤违僧谏戒第十二

若比丘。依聚落若城邑住。污他家，行恶行，俱有见闻。诸比丘当语是比丘言。大德污他家，行恶行，俱有见闻。今可远此聚落去，不须住此。是比丘语彼比丘言。大德。今僧有爱有患有怖有痴，有如是同罪比丘有驱者有不驱者。诸比丘谏言。大德莫作是语，言僧有爱有患有怖有痴，有如是同罪比丘有驱者有不驱者。而僧不爱不患不怖不痴。大德污他家，行恶行，俱有见闻。是比丘，如是谏时，坚持不舍。彼比丘应三谏舍此事故。乃至三谏，舍者善。不舍者。僧伽婆尸沙。

恶性拒僧违谏戒第十三

若比丘。恶性不受人语。於戒法中。诸比丘如法谏已。不受谏

语。言诸大德莫向我说若好若恶，我亦不向诸大德说若好若恶。大德且止，莫数谏我。彼比丘谏是比丘言。大德莫不受谏语，大德当受谏语。大德如法谏诸比丘，诸比丘亦如法谏大德。如是佛弟子众得增益。展转相谏，相教，忏悔。是比丘，如是谏时，坚持不舍。彼比丘应三谏，舍此事故。乃至三谏，舍者善。不舍者。僧伽婆尸沙。

诸大德。我已说十三僧伽婆尸沙法。九戒初犯，余至三谏。若比丘犯一一法，知而覆藏，应强与波利婆沙。行波利婆沙竟，增上与六夜摩那埵。行摩那埵已，应与出罪，当二十僧中出是比丘罪。若少一人，不满二十众，是比丘罪不得除，诸比丘亦可呵，此是时。今问诸大德，是中清净不。说三诸大德。是中清净，默然故。是事如是持。

诸大德。是二不定法。半月半月说。戒经中来。

屏处不定

若比丘。共女人，独在屏覆障处，可作淫处坐。说非法语。有住信优婆夷，於三法中一一法说，若波罗夷若僧伽婆尸沙若波逸提。是坐比丘自言，我犯是罪。於三法中应一一治，若波罗夷若僧伽婆尸沙若波逸提。如住信优婆夷所说，应如法治是比丘。是名不定法。

露处不定

若比丘。共女人，在露现处，不可作淫处坐。说粗恶语。有住信优婆夷，於二法中一一法说，若僧伽婆尸沙若波逸提。是坐比丘自言，我犯是罪。於二法中应一一治，若僧伽婆尸沙若波逸提。如住信优婆夷所说，应如法治是比丘。是名不定法。诸大德。我已说二不定法。今问诸大德，是中清淨不。说三诸大德。是中清淨，默然故。是事如是持。

诸大德。是三十尼萨耆波逸提法。半月半月说。戒经中来。

长衣过限戒第一

若比丘。衣已竟。迦絺那衣已出。得长衣。经十日，不净施，得畜。若过者。尼萨耆，波逸提。

离三衣宿戒第二

若比丘。衣已竟。迦絺那衣已出。於三衣中，若离一一衣异处宿。除僧羯磨。尼萨耆，波逸提。

月望衣戒第三

若比丘。衣已竟。迦絺那衣已出。得非时衣。欲须便受，受已疾成。若足者善。若不足者得畜经一月，为满足故。若过者。尼萨耆，波逸提。

取非亲尼衣戒第四

若比丘。取非亲里比丘尼衣。除贸易。尼萨耆，波逸提。

使非亲尼浣故衣戒第五

若比丘。使非亲里比丘尼浣染打故衣者。尼萨耆，波逸提。

从非亲俗人乞衣戒第六

若比丘。从非亲里居士若居士妇乞衣。除余时。尼萨耆，波逸提。余时者，夺衣，失衣，烧衣，漂衣，此是时

过分取衣戒第七

若比丘。夺衣，失衣，烧衣，漂衣。是非亲里居士若居士妇自恣请多与衣，是比丘当知足受。若过者。尼萨耆，波逸提。

劝增衣价戒第八

若比丘。居士居士妇为比丘具衣价。是比丘先不受自恣请，到居士家，作如是说。善哉居士。办如是衣与我，为好故。若得衣者。尼萨耆，波逸提。

劝二家增衣价戒第九

若比丘。二居士居士妇与比丘办衣价。是比丘先不受自恣请，到二居士家，作如是说。善哉居士。办如是衣与我，共作一衣，为好故。若得衣者。尼萨耆，波逸提。

过限勿切索衣价戒第十

若比丘。若王若大臣若婆罗门居士居士妇遣使为比丘送衣价。彼使至比丘所言。大德。今送衣价，可受取之。是比丘言。我所不应。须衣合时，清淨当受。彼使报言。大德有执事人。不比丘言有。若僧伽蓝民若优婆塞，此是比丘执事人。彼使诣执事人所，与衣价已。还到比丘所言。大德。所示某甲执事人，我已与衣价。大德知时，往彼当得衣。须衣比丘当往执事人所，若一二三反为作忆念。得衣者善。若不得衣，应四五六反在前默然住，令彼忆念。得衣者善。若不得衣，过是求得衣者。尼萨耆，波逸提。若不得衣。从所来处，若自往若遣使往，语

言。汝先遣使送衣价与某甲比丘，是比丘竟不得衣，汝还取，莫使失，此是时。

乞蚕绵作袈裟戒第十一

若比丘。杂野蚕绵，作新卧具者。尼萨耆，波逸提。

黑毛卧具戒第十二

若比丘。以新纯黑羊毛，作卧具者。尼萨耆，波逸提。

白毛三衣戒第十三

若比丘。作新卧具。应用二分纯黑羊毛，三分白，四分龙。若比丘。不用二分纯黑羊毛，三分白，四分龙，作新卧具者。尼萨耆，波逸提。

减六年作三衣戒第十四

若比丘。作新卧具，应满六年持。若减六年，不舍故，更作新者。除僧羯磨。尼萨耆，波逸提。